

# BOLETIN INFORMATIVO TOKANTE PALUNAN PROTEHÁ

Ordenansa maneho di naturalesa Bonaire

## Introdukshon

Siglonan pasá Bonaire tabata totalmente distinto ku awor. E tabata muchu mas bèrdè. Tabatin mas palu bieu i grandi. Den transkurso di tempu a kap riba un eskala grandi hopi di e palunan aki. Bonaire nunca por a rekuperá di e kapmentu di palu aki.

Den e tempu aktual palu i kadushi/yatunan ta víktima di buldozer i rosamentu. Banda di esakinan tin kabritu i buriku ku ta kana lòs i ta kome nan. Palunan yòn no ta haña chèns pa krese. Kaska di e kadushi/yatunan bieu ta afektá ku e konsekuensia ku nan ta muri. A bira tempu pa nos trata nos palu i kadushi/yatunan ku mas kuidou.

E 'Ordenansa maneho di naturalesa Bonaire' ku ta regla kapmentu di palu i kadushi/yatunan ta hasi esaki posibel.

## Tres grupo

Por parti e reglanan legal tokante palu i kadushi/yatunan den tres grupo:

- Lista di e sortonan protehá
- Lista di palunan balioso
- Pèrmit pa kap

Ta splika e reglanan pa kada grupo.

## Lista di sortonan protehá

Den lista di e sortonan protehá tin inkorporá 29 sorto di palu krioyo. Esnan mas konosí ta wayaká (pokhout) i kabana (sabalpalm).

Mayoria di e palunan aki ta apsolutamente protehá. Ta nifiká ku no por kap ni ranka nan. No ta importá unda nan ta krese. Sea nan ta den naturalesa, riba huurgrond òf riba tereno propiedat. Pa e palunan di mangel, e sortonan di wayaká i bushinan ta konta medidanan di maneho. Esei ta nifiká ku pa e sortonan menshoná protekshon no ta konta si nan ta krese riba un tereno pa kua a duna pèrmit pa konstrukshon.

**NOS NATURALES TA NOS TESORO!**

## Sorto di palunan protehá

<b>Palunan di mangel</b>				
<i>Avicennia germinans</i>	mangel blanku	witte mangrove	black mangrove	■
<i>Conocarpus erectus</i>	mangel, mangel blanku	grijze mangrove	buttonwood	■
<i>Laguncularia racemosa</i>	mangel blanku	mangrove	white mangrove	■
<i>Rhizophora mangle</i>	mangel tan	rode mangrove	mangrove	■
<b>Palunan</b>				
<i>Amyris ignea</i> (A. simplicifolia)				●
<i>Capparis tenuisiliqua</i>				●
<i>Celtis iguanaea</i>				●
<i>Clusia</i> sp.	tam machu			●
<i>Crateva tapia</i>	ishiri			●
<i>Euphorbia cotinifolia</i>	manzaliña bobo			●
<i>Ficus brittonii</i>	palu di mahawa, mahòk di mondi			●
<i>Geoffroea spinosa</i> (G. superba)	palu di taki			●
<i>Guaiaacum officinale</i>	wayaká	pokhout	lignum-vitae	●■○
<i>Guaiaacum sanctum</i>	wayaká shimaron	pokhout	roughbark lignum-vitae	●■○
<i>Guapira fragrans</i> ( <i>Pisonia fragrans</i> )				●
<i>Guapira pacurero</i> ( <i>Pisonia bonaiensis</i> )	mafobari, mushi bari			●
<i>Krugiodendron ferreum</i>	kaobati			●
<i>Manihot carthaginensis</i>	marihuri			●
<i>Maytenus tetragona</i> ( <i>M. sieberiana</i> )	palu di kolebra (A)			●
<i>Maytenus versluisii</i>	bèshi di yuana			●
<i>Phoradendron trinervium</i>				●
<i>Sabal</i> cf. <i>causiarum</i> ( <i>Sabal</i> sp.)	kabana	sabalpalm	sabal palm	●
<i>Salicornia perennis</i>				●
<i>Schoepfia schreberi</i>	mata combles (A)			●
<i>Spondias mombin</i>	hoba			●
<i>Strumpfia maritima</i>				●
<i>Ximenia americana</i>	kashu di mondi			●
<i>Zanthoxylum flavum</i> ( <i>Fagara flava</i> )	kalabari		West Indian satinwood	●
<i>Zanthoxylum monophyllum</i> ( <i>Fagara monophylla</i> )	bosù, koubati			●
<b>Kadushi</b>				
<i>Melocactus macracanthus</i>	Bushi, kabes di indjan, Melon di seru	bolcactus	Turk's cap cactus	●■○

### Leyenda

- =Palunan protehá.
- =Palunan protehá riba kua tin aplikashon di medidanan di maneho.
- =Palunan protehá riba anekso 2 di e akuerdo CITES (Convention on international Trade in Endangered Species of Wild Fauna and Flora) Pa eksportashon di e sorto aki mester di pèrmit.

E lista kompletu di animal i matanan protehá ta pará den 'Boletin informativo tokante sortonan protehá'.

### **Lista di palunan balioso**

Kolegio ehekutivo (BC) por indiká palu i kadushi/yatunan ku mester haña protekshon pa motibu di nan balor pa e paisahe natural, nan balor kultural, -histórico, nan balor pa bunitesa di siudat i di barío, nan balor pa rekreashon i ku nan balor ta determinante pa e parti habitá i imágen di e isla. Ta inkorporá e palu i kadushi/yatunan den e lista di palunan balioso. No ta importá ku nan ta den naturalesa òf riba tereno di gobièrnu, huurgrond òf tereno propiedat. No ta permití pa kap òf rosa palu i kadushi/yatunan ku ta riba e lista di palunan balioso. Por konsulta e lista na sekshon di Medio Ambiente i Maneho di naturalesa di DROB i riba e wèpsait di gobièrnu: [www.bonairegov.an](http://www.bonairegov.an)

### **Pèrmit pa kap.**

Sin pèrmit di kolegio ehekutivo (BC) no por kap òf rosa palu i kadushi/yatu di kua nan tronkon tin un sirkunferensia di mas 65 cm na un altura di 1.30 meter, midí for di suela. Un tronkon ku un sirkunferensia di 65 cm ta mas òf ménos igual ku un diameter di 20,5 cm. Pues pa rosa òf kita un palu ku ta mas diki mester di pèrmit di kolegio ehekutivo (BC).

Si un palu òf un kadushi/yatu ku un tronkon di un sirkunferensia mas chikitu ku 65 cm ta riba e lista di palunan protehá òf palunan balioso no ta permití, snui, rosa òf kita e palu òf e kadushi/yatu. Kolegio ehekutivo (BC) por hasi un eksepshon riba e prohibishon aki si e ta di opinion ku tin un menasa serio pa órden públiko òf un situashon di emergensia.

Pa un pèrmit pa kap mester hasi un kontribushon finansiero na STINAPA Bonaire pa kada palu òf kadushi/yatu. Ku e sèn aki STINAPA ta planta palu nobo.

E suma ta varia di \$85,- te ku \$195,-

### **Kontribushon finansiero pa kada palu**

\$ 85,- pa unu ku un omtrek di 65 te ku 79 cm;

\$140,- pa unu ku un omtrek di 80 cm te ku 94 cm;

\$195,- pa unu ku un omtrek di 95 cm òf mas.

Na DROB por haña formulario si ke hasi pedido pa un pèrmit. Mester entregá e pedido na kolegio ehekutivo (BC) Plasa Reina Wilhelmina 1 Bonaire. Esun ku ta hasi e pedido mester ta doño òf persona outorisá ku derecho real riba e tereno riba kua e palu ta. Un hürdó no por hasi pedido pa pèrmit, a ménos ku e doño tambe firma.

Huntu ku entrega di e petishon pa un pèrmit pa kap mester entregá tambe un komprobante ku a paga na ontvanger e suma rekerí. Tambe un prueba di e kontribushon finansiero na STINAPA Bonaire pa kada palu. No ta trata petishonnan no kompletu. Si ta bai konstruí riba e tereno riba kua e palu ta kolegio ehekutivo lo duna pèrmit pa kap na momentu ku e pèrmit pa konstruí ta kompletamente reglá i entregá

## Palunan dañino i posibel dañino

E prohibishon pa kap òf rosa palu no ta konta pa pal'i lechi (*Cryptostegia grandiflora*). E palu aki ta dañino pa naturalesa pa motibu ku e no ta djaki, i e ta roma i ekspandé rápido. Si riba bo tereno tin pal'i lechi mester elimin'é. Esaki mester sosodé di tal forma ku e no ta bin bèk òf e no ta rendi. Por usa solamente supstansia kímiko si Kolegio Ehekutivo (BC) duna pèrmit pa kombatí pal'i lechi. E palu neem tree (*Azadirachta indica*) ta denominá komo un posibel palu dañino. E palu aki no ta original di nos isla i ta ekspandé hopi rápido. Pa e tipo di palu aki ainda no a tuma medida pa kontra arestá su ekspanshon.

E boletin informativo aki ta kontené un reprodukshon kòrtiku i liber di e disposishonnan legal. Den kaso di un konflikto bo no por basa bo mes riba e publikashon aki. Den un kaso asina konsultá semper e leinan i e areglonan.



### **Kolofon:**

Boletin informativo Medio Ambiente i Naturalesa nr. 1210 07 P  
desèmber 2010

Identidat Públiko Bonaire  
Dienst Ruimtelijke Ontwikkeling en Beheer  
Sekshon Medio Ambiente i Maneho di Naturalesa  
Kaya Amsterdam 23  
Kralendijk  
Tel: 717 - 8130  
Faks: 717 - 6980

[www.bonairegov.an](http://www.bonairegov.an)